

Communicaziun a las medias BCG

Far in emprendissadi tar la Banca Chantunala Grischuna – in'entrada captivanta en la vita professiunala

Cuira, ils 19 d'avrigl 2016 – Cun 80 emprendistas ed emprendists è la Banca Chantunala Grischuna (BCG) la scoladra principala sin il sector da banca en il chantun Grischun. In nov film mussa a moda divertenta las pussaivladads multifaras per emprendists e praticants. La finamira è da preschentar l'emprendissadi tar la BCG e da svegliar l'interess dals giuvenils per ina professiun sin il sector da banca. Las novas plazzas d'emprendissadi per il 2017 èn ussa publicgadas sin gkb.ch/ausbildung.

En bleras branschas ston las interpresas far ozendi reclama per cuntanscher emprendistas ed emprendists. Il medem mument èn ils giuvenils confruntads cun in'enorma varietad da champs professiunals. En il center da la tschernia da professiun stattan oz tranter auter la variaziun, l'activitad utila, la cundecisiun e la cunresponsabladad ubain l'equiliber tranter la lavur ed il temp liber. La Banca Chantunala Grischuna prenda serius quest svilup e resguarda ils basegns. Sias diversas pussaivladads da scolaziun preschenta ella en il [nov video](#), en il qual l'emprendista Julia Nutt e l'emprendist Luca Capaul giogan las rollas principalas.

Ina patruna da lavur attractiva – durant e suenter l'emprendissadi

Var 80 dals passa l'000 collavuradors da la BCG èn emprendists e praticants. Per ils giuvenils che han tranter 16 e 25 onns porscha l'emprendissadi da banca in'entrada captivanta en la vita professiunala. Ina gronda part dals principiants en il mund da lavur absolvan suenter l'emprendissadi in ulteriur onn da lavur. I sa tracta d'ina relaziun da lavur limitada. Persunas che han gist terminà in emprendissadi u in praticum pon rimnar en quel temp experientschas professiunalas preziusas. La mesadad resta fidaivla a lunga vista a la BCG.

Scolaziun a la piazza da lavur ed excursiuns – la variaziun è garantida

Durant lur emprendissadi survegnan ils banchiers e las banchieras futuras mintga sis mais in'invista en ina nova partiziun. I vegnan puschidas tut las funcziuns specificas da la banca. Ultra da quels engaschis pratics profiteschan ils giuvenils d'ina instrucziun interna. Spezialists intermediateschan cumpetenzas professiunalas e metodicas e coordineschan la scolaziun. Ina variaziun dal mintgadi professiunal bainvisa porschan las excursiuns, ils champs, ils segiurns linguistics a l'exteriur u ils engaschaments ad occurrenzas che la BCG sustegna, sco l'Open Air Lumnezia u il Project en favur dal gaud. Ils giuvenils gidan considerablmain a concepìr talas occurrenzas ed acquistan a moda ludica ulteriuras cumpetenzas.

Emprendissadi da banca u praticum tar la BCG – in'entrada ideala en il mund professiunal

Per absolventas ed absolvents da la scola secundara è l'emprendissadi da banca l'entrada ideala en il mund professiunal commercial multifar. Spezialists introduceschan las emprendistas ed ils emprendists durant trais onns ed en sis differentas partiziuns en il mund captivant dal banking. Per absolvents d'ina scola media sa porscha in praticum sco entrada adattada en la professiun. L'introducziun teoretica e pratica en il mund da banca pussibilitescha experientschas variadas e numerusas pussaivladads da svilup. Ulteriuras infurmaziuns davart emprendissadis u praticums tar la BCG èn [disponiblas qua](#).

Dis d'infurmaziun e da fufagnadi – viver il mintgadi da banca in ad in

A giuvenils che s'interessan per in emprendissadi tar la BCG porscha la banca pliras giadas l'onn suentermezdis da fufagnadi en la sedia principala ed en las regiuns. Las emprendistas ed ils emprendists actuals gidan a concepir ils events e dattan gist sez invistas en il mintgadi da banca. Persunas interessadas vegnan uschia a savair in ad in co che lur futur professional pudess vesair ora. Ulteriuras infurmaziuns ed annunzia per ils [suentermezdis d'infurmaziun](#).

S'annunziar ussa per ina plazza per il 2017

A partir da la stad 2017 porscha la Banca Chantunala Grischuna 28 novas plazzas d'emprendissadi per in emprendissadi da banca u per in praticum en differentas regiuns dal Chantun. Persunas interessadas pon s'annunziar sin gkb.ch/ausbildung. Per dumondas stattan las cussegliadras ed ils cussegliaders gugent a disposiziun.

Contact per collavuratur da medias:

Banca Chantunala Grischuna, Medias & Investor Relations, Chascha postala, 7002 Cuir

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 1'052 collavuraturas e collavuratur (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 62 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2016: 29 da fanadur 2016

Quint annual 2016: 10 da favrer 2017

Radunanza dals participants: 8 d'avrigl 2017
